

玉

海

三十七

玉海卷第七十四

浚儀王應麟伯厚甫

禮儀

上壽

杜佑曰禮有獻壽無上壽詩雅曰虎拜稽首天子
萬壽幽風曰爲此春酒以介眉壽左傳曰武伯爲
祝上壽酒也

漢未央宮爲壽 置酒前殿

史紀高祖紀九年未央宮成高祖大朝諸侯羣臣置
酒未央前殿高祖奉玉卮起爲太上皇壽殿上羣臣

皆呼萬歲大笑爲樂

漢長樂宮上壽 上壽四會曲

見禮制朝儀 唐文粹杜佑三朝上壽有樂議云漢
叔孫通定禮儀七年長樂宮成諸侯朝禮畢復置酒
侍坐殿上皆伏尊卑次起上壽漢故事上壽四會曲
注言但有鍾鼓無有歌詩魏初作四會有琴筑但無
詩郭瓊云青龍二年以長笛食舉第十二古置酒曲
代四會又易古詩名曰羽觴行用爲上壽曲鹿鳴以
下十二曲名食舉樂而四會之曲遂廢張華上雅樂
詩表云魏上壽食舉詩及漢代所施用其文句長短

不齊皆未合於古雅

漢故事云上壽四曲華亦信有

歌辭注當是闕文晉代歌詩傳玄述具存

昭紀始元元年二月黃鵠下太液池公卿上壽元鳳
二年四月自建章宮徙未央宮大置酒 元紀建昭
四年正月以誅質支單于羣臣上壽置酒

漢諸王稱壽

太子宮上壽

見官類

長沙王發傳注應劭曰景帝後二年諸王來朝有詔
更前稱壽歌舞 帝以武陵零陵桂陽益焉

漢明帝上壽

見明堂

吾上壽王傳汾陰得寶鼎薦見宗廟藏於甘泉宮羣臣皆上壽賀曰得周鼎

漢朝堂上壽

明帝紀永平十七年夏五月戊子

見總瑞類

漢德陽殿上

見元會

唐未央宮上壽

通鑑貞觀七年十二月丙辰閱武於城西高祖自臨勞將士戊午還宮置酒故漢未央宮命頡利可汗起舞南越酋長馮智戴詠詩笑曰胡越一家古未之有

也太宗奉觴上壽羣臣皆呼萬歲
紀八年十二月
丁卯從太上皇閱武于城西

唐兩儀殿上壽

舊紀貞觀八年三月甲戌太上皇

高祖

燕西突厥使

者於兩儀殿顧謂長孫無忌曰蠻夷率服古未嘗有
無忌上千萬歲壽高祖大悅以酒賜太宗太宗又奉
觴上壽於是太宗與文德皇后互進御膳并上御服
一同家人常禮

殿在太極宮後古之內朝

西突厥傳

泥孰冊號可汗賜鼓纛泥孰遣使謝太上皇宴使者
兩儀殿謂長孫無忌曰今蠻夷率服古亦有乎無忌

上千萬歲壽太上皇喜以酒屬帝帝頓首謝亦奉觴
上太上皇壽

唐慶善宮上壽

舊紀貞觀十六年十二月丁卯宴武功士女於慶善
宮南門酒酣上與父老泣涕論舊事老人等遞起爲
舞爭上萬歲壽上各盡一杯 通鑑十六年十一月
壬戌上校獵于岐陽因幸慶善宮召武功故老宴賜
極歡而罷庚午還京師紀云甲子賜所過六縣高年
檀衾粟帛遂幸慶善宮庚午
至自慶
善宮

唐千秋節上壽 延英上壽

實錄玄宗以垂拱元年八月五日生於東都開元十七年八月癸亥宴百寮於花萼樓下左相乾曜右相說上表曰少昊著流虹之感商湯本玄鳥之命陛下二氣合神九龍浴聖月惟仲秋日在端五常星不見之夜祥光照室之朝請以爲千秋節著之甲令布之天下咸令宴樂羣臣以是日獻甘露醇酎上萬歲壽酒王公戚里進金鏡綬帶

張九齡千秋金鑑錄張彙有千秋鏡賦祥光夜合佳

氣晨飛

士庶以結絲承露囊相遺問村社作壽酒宴樂

名爲寶白帝報田神十八年八月丁亥御花萼樓以千秋節百官獻賀賜四品已上金鏡珠囊縑綵賜五

品以下束帛上賦八韻詩又製秋景詩二十三年八月五日御花萼樓宴羣臣御製千秋節詩序是日大雨百官表賀二十四年八月壬子御廣達樓宴羣臣奏九部樂天寶七載八月己亥改爲天長節

肅宗天成地平節九月三日代宗天興節十月十日

三日德憲不置名樂志德宗不立節止順宗聖壽

節見齊抗寺碑

正月十二日

實錄文宗大和七年八月中書門下奏太宗幸慶善宮卽降誕之所賦詩錫宴播爲樂章玄宗降聖之辰爲千秋節王公上壽士庶交歡流于管絃書之甲令

請以十月十日爲慶成節是日於宮中奉迎太皇太

后與昆弟諸王盛陳宴樂羣臣詣延英門奉觴上千

萬歲壽州府置宴一日八年九月敕延英上壽令太

常具儀注奏仍準上巳重陽例於曲江錫宴開成元年十月

慶成節宴于延英殿太常進雲韶樂又賜百僚宴于曲江

武宗慶陽節六月十一日宣宗壽昌節六月二十

懿宗延慶節十一月十四日僖宗應天節五月八日

昭宗嘉會節三月二十二日哀宗乾和節九月三日

玄宗誕日崔日用采詩大小雅二十篇及相如封禪書獻之借以諷諭且勸告成詔賜衣一副物五十段

張說皇帝誕日集賢殿宴詩曰瑞表王寅露光傳

甲子宵

杜甫詩鳳紀編生日御氣雲樓敞含風綵仗

高

獨孤及表置天興節曰紀載震之辰與八節同

號

玄宗天長肅宗天平地成上壽作樂悉如開元故事又有天長節進鏡表

于邵降

誕頌曰甲觀畫堂繞樞神光十月良月降生我皇舜

膳以甘堯尊以酎誕彌之朔旬而有三

代宗

德宗

孟夏十四日降誕節王虔休獻繼天誕聖樂侯嘉作

獻壽文

唐太極殿上壽

見元會

通典開元禮冊命皇太子會羣臣皆如元

會之儀其日上壽辭曰皇太子岐嶷夙著令月吉日
光踐承華謹上千萬歲壽皇太子納妃皇后會羣臣
於太極殿如正至之儀上壽辭云皇太子嘉聘禮成
克崇景福

唐麟德殿上壽

舉觴獻壽

實錄元和十四年三月乙酉以齊魯初平宴文武百
僚于麟德殿宰臣裴度等舉觴獻壽跪而言曰神武
獨斷寇逆削平願與四海九州之人同上千萬歲壽
帝執酒爲飲之賜繒綵丙戌又宴宰輔大臣翰林學
士于禁中

一本云元和十四年齊魯初平宴文武百
寮裴度舉觴獻壽跪而言曰神武獨斷寇

逆削平錫宴羣臣當茲令節願與四海九州之人同
上千萬歲壽上執酒為飲之舊紀云三月丁酉宴
麟德殿

唐興慶宮上壽

文宗大和元年五月壬戌朔赴興慶宮起居太皇太

后丙寅帝赴興慶宮上壽中外端午進獻如常歲

萬壽節 後唐莊宗 應聖節 明宗 千秋節 末帝

天和節 晉高祖 啟聖節 少宗 聖壽節 漢高

嘉慶節 隱帝 永壽節 周太祖 天清節 世宗

天壽節 恭帝 大明節 梁太祖 明聖節 末帝

建隆廣政殿上壽 大宴

元年以二月十六日爲長春節丙戌賜羣臣襲衣百
官詣廣政殿上壽十九日辛卯大宴廣政殿誕節後
大宴始此

國初上壽大樂令設登歌於殿上二舞立垂南一爵
奏禧安之樂二爵奏神龜之樂羣臣授酒正安樂作
尚食進食大樂丞引元德升聞舞入三變三爵奏甘
露之樂四爵登歌奏紫芝之樂天下大定之舞入三變
五爵奏嘉禾之樂六爵登歌奏玉兔之樂後止用
教坊樂

太平興國崇德殿上壽

太平興國二年以十月七日爲乾明節十月甲子羣
臣上壽崇德殿渤泥契丹使咸陪位淳化元年正月
己卯改爲壽寧節

宣和二年四月乙丑詔正月四日爲開基節

咸平崇德殿上壽 獻壽歌

眞宗以至道三年卽位八月庚子以十二月二日爲
承天節咸平元年十二月丁亥羣臣詣崇德殿上壽
祥符八年十二月戊寅承天節羣臣及契丹西戎高
麗注輦女眞使上壽壬午王欽若作獻壽歌上和之
晏殊作承天節述聖賦 楊億作承天節頌

天禧上壽儀注

五年十月十日中午書言凡慶會皇太子押文武百官班奉觴上壽令禮官別定儀注

天聖崇德殿上壽

乾興元年仁宗卽位二月乙丑以四月十四日爲乾

元節

仁宗以祥符三年生章懿夢二日在天其一忽墜以祿承之

天聖元年四月

丁未親王樞密使以下詣長春殿上壽宰臣文武百

官契丹使詣崇德殿上壽賜酒三行五年八月趙良

規上乾元節祝聖壽賦召試學士院十四日賜及第

天聖會慶殿上壽

乾興元年十一月乙亥詔以正月八日皇太后誕日
爲長寧節天聖元年正月庚午契丹使來賀四年十
二月丁亥上欲元日率百官先上皇太后壽命禮官
具儀戊戌學士院上甘露瑞木嘉禾三曲五年正月
壬寅朔率百官上皇太后壽于會慶殿禮畢皇帝乃
御天安殿受朝賀是日景雲見己酉長寧節近臣詣
崇政殿上壽庚戌大宴會慶殿七年十一月癸亥率
百官上壽于會慶殿八年十二月乙未詔長寧節百
官上壽于崇政殿九年正月丙辰上壽會慶殿其
後宣仁曰坤成節壽明揚太后曰壽慶節